

Mangsa
17 AUG 1985
racun sihat

JOHOR BAHRU, Jumaat — Dua pemuda yang dimasukkan ke Hospital Daerah Kota Tinggi setelah meminum racun rumput rampai untuk menguji ilmu kebal yang ditutut, dibenarkan pulang semalam.

B. Harian (M)

Sejarah hitam dalam Pesta Silat

20 AUG 1985

Oleh M SANI ALI

PESTA Silat anjuran Persekutuan Silat Singapura (Persisi) mencatat 'sejarah' Ahad kelmarin apabila kumpulan Gayong Pasak memulakan upacara penyampaian hadiah.

Kumpulan itu meninggalkan Dewan Badminton Singapura, di Guillemard Road, sejurus sebelum upacara tersebut dijalankan.

Pesta itu dianjurkan sempena sambutan Pesta Sukan.

Bagaimanapun, Setiausaha Agung Persisi, Encik Johari Uriff, berkata badan induk persatuan sukan itu akan mengambil tindakan disiplin ke atas pasukan tersebut.

"Kami akan mengajukan laporan mengenai kejadian itu kepada Jawatankuasa Disiplin dan terpulanglah kepada pihak jawatankuasa tersebut untuk memutuskannya," kata Encik Johari.

Bagaimanapun, beliau tidak dapat menyatakan lebih awal apakah bentuk tindakan disiplin yang akan dikenakan ke atas kumpulan Gayong Pasak.

Pemulauan itu berpunca dari satu pertandingan antara anggota Gayong Pasak, Encik Mohamed Sohairi Sapuan, 19 tahun, dengan seorang peserta dari kumpulan Alhak, Encik Azrin Abdul Rahim.

Dalam pusingan pertama Encik Azrin telah diberi amaran kerana melepaskan pukulan di bahagian muka. Beliau juga didapati menendang muka Encik Mohamad Sohairi dalam pusingan tersebut. Kemudian, dalam pusingan kedua, Encik Azrin sekali lagi didapati menendang Encik Mohamed Sohairi yang terjatuh di pelantar gelanggang.

Akibatnya, Encik Mohamed Sohairi, tercedera di muka (ihat gambar).

Di akhir pertandingan itu Encik Azrin dilantik sebagai pemenang. Keputusan itu menimbulkan rasa tidak puas hati di kalangan anggota Gayong Pasak yang menganggap keputusan tersebut harus dibatalkan kerana "pukulan dan sepakan yang di luar batasan".

Ketua kumpulan itu, Encik Hussein Kaslan pula melahirkan rasa kecewa dengan mutu pengadilan dalam kejohanan tersebut.

